

SASKIBALOIA

Beste jokalarri baten beharra
erakutsi du Taugres Baskoniak

L.L.ABERASTURI / GASTEIZ

Taugresen ez zituen Joventutek egindako hutsuneak aprobetxatu eta lan handia egin arren zortzi puntuz galdu zuen (82-73). Rivasek partidu bikaina egin zuen eta Bannister aurreboraldiko jokalaria izan zen berriro ere. Manel Comasek arbitroen lana eta Obradovicen jokaera gogor kritikatu zituen.

Badalonako partidua galdu arren lan ona egin zuen Taugresen; eta Rivas izan zen Taugresen jokalaririk onena. Taulapeko lehia irabazteaz gain Perasovicen hutsak estali zituen lortu zituen 24 puntuekin.

Azken aste honetan kritika ugari jaso eta gero Bannisterrek aurreboraldiko joko ona erakutsi zuen Joventuten aurka. Hala ere, Gasteizko taldeak hirugarren atzeritarra behar duela argi ikusi zen be-

rriro. Comasek aitortu zuenez «aldaketak egiteko beste jokalarri bat behar dugu, gazteek oso lan ona egin dute eta ezin zaie gehiago eskatu».

Joventutek, berriz, ez zuen Villacamparen falta sumatu Jofresa anaiek egindako lanari esker, bien artean hiruko zazpi saskiratze lortu baitzituzten. Baina Thompsonen lesioak Rivas eta Bannisterren lana erraztu zuen.

Partiduaren azken minutuetan gertatutakoak eztabaida bizia sortu zuen. Obradovic entrenatzaileak tartea eskatu baitzuen segundu baten faltan bere taldeak bederatzi puntuko aldea zuenean. Comasen haserre bizia sortu zuen erabaki honek eta adierazpen gogorak egin zituen, «Serbian kartzelan egon zenean ikasitako moduak izango dira horiek», esan zuen Comasek Joventuteko entrenatzaileari buruz.

Lasarte-Oriak bigarren garaipena
eskuratu nahi du gaur etxean

DONOSTIA

Joan den asteburuan Lasarte-Oriak ez zuen arazo handirik izan emakumezkoen Espainiako Lehen Mailako lehen jardunaldian Juveni, gipuzkoar derbia irabazteko. Gaur bigarren garaipena eskuratu nahi du. Oraingo honetan etsaia Aucalsa izango du. Talde honek ere garaitu egin zuen bere aurkaria lehen jardunaldian. Bien arteko neurketa arratsaldeko 6.30etan hasiko da.

Saskiaraba eta CBN-k kanpoan jokatu dute gaur. Aurrenak Canoren kantxan 20.00etatik aurrera eta bigarrenak Vigon 20.30etan. Saskiarabak —aurten etxeko partidua Logroñon jokatu dute— ez zuen lehen partidua jokatu, eta beraz gaur debutatu du. CBN talde nafarrak, berriz, porrot egin zuen lehen neurketan Dornaren kontra. Azken ekipo honetxek aurka neurtuko ditu indarrak bihar Juveni talde gipuzkoarrak.

KIROLDEGIA

«Samaranchekin ahaztu egin
behar» dutela diote pekindarrek

Pekindar anitzek esan du euren kontrako kanpaina egon dela

Pekin lur jota esnatu zen atzo. 2000. urteko Joko Olinpikoak antolatzeke itxaropentsu zeuden pekindar guztiak, baina NBOk Australiako Sidney aukeratu zuen. Txinan, herriar arruntek Gobernuak baino aurpegi txarragoa jarri dute aukeraketa honekin. Hona hemen zer zioen taxista batek: «Samaranchekin ahaztu egin behar dugu».

DONOSTIA

Duela hiru egun Juan Antonio Samaranch zeruan jartzeko bidean zuten Pekinen; orain, berriz, infernura gustura bidaliko lukete. Arrazoiak: ostegunean NBOko lehendakariak —hurrengo lau urteetarako aukeratu dute— 2000. urteko Joko Olinpikoak antolatzeke hiriaren izena esaterakoan Sidney esan zuela, eta ez Pekin. Batzuek besteek baino erreazio gogorragoa izan dute. Adibidez, begira zer zioen Txinako Alderdi Komunistako Txeng Hanming taxistak: «Joko Olinpikoekin ahaztu egin behar dugu, Samaranchekin ahaztu. Beregan konfidantza handia genuen. Bizitzen jarraitzeke, ordea, ez ditugu Jokoak behar, orain arte Jokorik gabe ederki bizi izan gara eta. Sistema sozialista duen herri baten kontra Mendebalekoek eginiko azpikioa izan da».

Gobernuak, ez du hain gogor erantzun. «Inor ez dugu akusatzeko, ez dugu itxaropena galdu». Pekinen malkoa baldin bada



Sidney oso gau berezia bizi izan zuen COIren erabakiaren ondoren.

Berdinketa kasurako,
irtenbiderik bai?

DONOSTIA

■ Justu-justu irabazi zuen Sidneyk bozketa. Bere alde 45 botu egon ziren, eta Pekinen alde 43. Kasu horretan, zer gertatuko litzake? Samaranchek ba omen zuen irtenbidea, baina ez zuen jakitera eman. Zergatik ez zuen, bada, eman ezagutaraztera? Benetan, ba ote zuen? Bestalde, Samaranchek adierazi zuenez, be-

rak ez zuen boturik eman, «1980 urtetik lehendakaria naizenetik, boturik ez ematea erabaki nuelako. COIko kiderik ez du inoiz presionatu, ezta Bartzelona aukeratu zutenean ere. Orain ere ez dut inor presionatu». Ukatu egin zuen, era berean, bera Pekinen alde zegoenik «eta COIk erabaki onena hartu du». Txinak, 1996ko Atlantako Jokoei boikota egingo diola ere ukatu egin zuen.

nagusi, Sidneyn irribarrea. 100.000 pertsona ateratzen ziren kalera ospatzera. «Mundua garaitu dugu», ziorten, eta «giza eskubi-

deen eta teknikaren» garaipena dela. «Hemen jendea nahi duena da eta nahi duen bezala bizi da. Hau ezin da Pekini buruz esan».

ESKUBALOIA

Ordoñez Mañas baja Bidasoan

PELLO AIESTARAN / DONOSTIA

Iñaki Ordoñez Mañas Elgorriaga Bidasoako lateralak ez du bihar Kadetten Schaffhausen talde suitzarraren kontra jokatu, lesionatuta baitago. Nafarrak ez zuen asteartean Arrateren aurka jokatu, eta Suitzan kantxaratzeko moduan egongo zela bazirudien ere, azkenean ez du gainontzeko taldekideekin bidaiatu. Gauzak horrela, hauek dira bihar Jantxo Villarrealen aginduetara egongo diren jokalarriak: Svensson eta Zarate (atezainak), De la Haza, Reino, Jovanovic eta Olsson (lehen lerroa) eta Angel Fernandez, Pombar, Rubiño, Pujol, Bolea eta Etxaburu.

Kadetten Schaffhausen taldeari buruz ez du momentuz berri askorik. Jantxo Villarreal herenegun joan zen Suitzara, talde horrek Suitzako Ligako partidu bat jokatzeko baitzuen. Kadettek 30-21 irabazi zuen, nahiko argi. Entrenatzaile irundarrak bideoan hartu zuen partidua, bere jokalariei gaur aurkariaren berri eman ahal izateko. Jakin ahal izan denez, bi atzeritar ditu: Gabor Vasa hungariarra (zentrala) eta Aleksander Vuga kroaziarra (eskuin lateralak).

EREINTZA ARRATEREN KONTRA Euskal taldeekin segituz, gaur adiskidantzako partidua interesgarria izango da

ikusgai Erreterian, Ereintza eta Arrateren artean. Pedro Salcedok entrenatzen duen taldea neurketa honekin aurkeztuko da ofizialki bere zaletuen aurrean. Entrenatzailea bera, Romero edo Aleman bezalako fitxaketa berriak ikus- teko aukera izango dute, beraz, Ereintzako zaletuek.

Arrateri dagokionez, Vladislav Kalarash moldaviarra aurreneko aldiz ariko da talde honekin. Oraindik ere ez dago bere sasorik onenean, baina interesgarria izango da bere jokoak ikustea. Bi taldeek Ipuruan jokatu zuten adiskidantzako partidua —Arrateren aurkezpenean— eta orduan Ereintza izan zen garaile (19-20).

SAN MAMES
FUTBOL ZELAIA

Bihar, igandea, 19:00etan
Liga Txapelketa, 2. Maila "A"

BILBAO. A. C. - C. D. CASTELLON

TXARTELDEGIA: San Mames Stadiumean
LEZAMA KO KIROL INSTALAZIOAK

Bihar, igandea, 11.30ean
Gazteen Ohorezko Maila

BILBAO A.C. - SESTAO SPORT CLUB

LINEA ATHLETIC CLUB

☎ 903 - 35.11.25 ☎

TARIFA: Egunkaria: 60 Pzta/min Gauekoa: 42 Pzta/min

LANCIA



BILASA rekin dabil

Athletic

Autonomia, 53 Tf. 427 58 20 BILBO Alameda Rekalde, 48 Tf. 410 12 55